



25. september 2020

UKA2020/71

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik siunnersuut imaattoq matumuuna saqqummiuppara:

Inatsisartut Kukkuersiuermut Ataatsimiititaliataata nalunaarusiamikkut sakkortuumik isornartorsiuerat qanoq iliornikkut malitseqartitsiviginissaa pillugu apeqquteqaat aallaavigalugu oqallinnissamik siunnersuut.

(Medlem af Inatsisartut fra, Inuit Ataqtigii, Parti Naleraq, Atassut, Suleqatigiisitsisut)

Naalackersuisut 12. Maj aalajangiipput aqutsisoqarfiup aappaani nipisanniarneq ammaqpinneqasasooq siorna pisassat sinneruttut 204 ton-siusut ukioq mannamut nuunneqarnerisigut.

Tamatuma kingorna Kukkuersiuermut Ataatsimiititaliap misissuinini aallartippaa tusagassiorfinniit oqariartuutigineqarmat, Naalackersuisut siulittaasuata angallataa nipisanniutitut atukkiunneqassimasooq nipisanniarnerup ammaqpinneqarnissaanik Naalackersuisut aalajangernerisa nalaanni. Apeqqut tassaasimavoq, Naalackersuisut aalajangernerat pisimava suliamut attuumassuteqarpallaasinnaaneq pillugu aaliangersakkat mianeralugit.

Tamanna pillugu Kukkuersiuermut Ataatsimiititaliap nalunaaarusiani 7. September tunniuppa.

Kukkuersiuermut Ataatsimiititaliap nalunaaarusiani imatut inernilerpaa:

Siulittaasup pisassiissutit amerlineqarnissaannik suliarinninnerup aallartinninnerani suliamut attuumassuteqarpallaarsinnaaneq pillugu isumaliutiminik Naalackersuisunut nalunaarfiginnisimannginnera ataatsimiititaliamit sakkortuumik uparuarneqarpoq. Aammattaaq Naalackersuisut pisassiissutit pillugit siunnersuummik suliarinninninneranni Naalackersuisunut ilaasortat ilaasa suliamut attuumassuteqarpallaarsinnaanerannik nalilersuisoqarsimasungannginnera ataatsimiititaliamit isornartinneqarpoq.

Naalackersuisut Siulittaasuata suliami matumani suliamut attuumassuteqarpallaarsinnaanermut apeqqummik eqqumaffiginnisimannginnera ataatsimiiti-taliap sakkortuumik uparuarpaa tamannalu Inatsisartunut immikkut maluginiaqqullugu. Isornartorsiueq taanna pingaarnertut 2015-imi avaleraasartoortassiissutit pillugit suliamik ingerlatsisimanermik misissuisimanermut, Naalackersuisut suliamut attuumassuteqarpallaar-sinnaanermut apeqqummik eqqumaffiginninnerminnik nukittorsaasariaqarnerannik takutitsisumut atatillugu isiginiarneqassaaq. Suli pitsanngorsaasoqartariaqartoq suliami matumani paasinarsivoq.



Naalakkersuisut Siulittaasuata nalunaarfiginnittussaataanerminik eqqumaffiginnissimanginnini ajuusaarutigalugu ataatsimiititaliamut ersersikkaa ataatsimiititaliamit maluginiarneqarpoq, suliamullu attuumassuteqarpallaarsinnaanermut apeqqutit siunissami Naalakkersuisunut ilaasortanit allaffissornermillu pisarialik naapertorlugu eqqummaariffigineqarnerunissaat anguniarlugu malittarisassat atuutereersut allannguutissaattut siunnersuummik suliaqartoqassasoq Siulittaasup allaffissornermut qinnutigisimagaa.

Aammattaaq Naalakkersuisut allagaatinik ataatsimiititalianut tunniussinissaminut piumassuseqannginnerat ataatsimiititaliamit ajornartorsiuterujussuartut isornartorujussuartullu isumaqarfigineqarpoq. Naalakkersuisut pissusilersornerat Inatsisartuni ataatsimiititaliat suliasaminnik, ilaatigut Naalakkersuisunik nakkutilliinermik imaqartunik isumaginnissinnaanerannut pisariaqanngikkaalumik akornusersuutaavoq.

Kukkunersiuinermut Ataatsimiititaliap misissueqqissaarnera pissutsinut assigiinngitsunut ataatsimiititaliap sakkortuumik isornartorsiuinissaanut pissutissaqalersitsivoq. Tamatumalu kingorna Inatsisartunut aalajangigassanngortinneqarpoq, isornartorsiuineq tamanna qanoq malinnaatitsivigineqassanersoq. Soorlu Naalakkersuinikkut kinguneqartitsisoqassava? Maleruagassanik nutaanik eqqussisoqartariaqarpa, sulianut attuumassuteqarpallaartunik takunngitsuuisarnek pinngitsoortinniarlugu? Ataatsimiititat paasissutissanik piniartarnerat pillugu malittassat allanngortinneqassappat?

Tamakku oqallisigineqarnissaat apeqquteqaat aallaavigalugu siunnersuutip siunertarerpiarpa.